

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", broj 30/03, 42/03, 81/06, 76/07, 81/07, 94/07 i 24/08), a u skladu sa zaključkom sa 94. sjednice Vijeća ministara Bosne i Hercegovine održane 6. oktobra 2005. godine o usvajanju Strategije razvoja sistema za upravljanje zračnim prometom u Bosni i Hercegovini i Odlukom o načinu formiranja stručnih komisija i drugih radnih tijela i utvrđivanju kriterija za novčane naknade licima angažovanim u komisijama i drugim radnim tijelima iz nadležnosti Vijeća ministara Bosne i Hercegovine ("Službeni glasnik BiH", broj 81/07), Vijeće ministara Bosne i Hercegovine, na 45. sjednici, održanoj 24. aprila 2008. godine, donijelo je

## **ODLUKU**

### **O FORMIRANJU PROJEKTOG ODBORA ZA REALIZACIJU PROJEKTA UPRAVLJANJA ZRAČNIM PROMETOM U BOSNI I HERCEGOVINI**

#### **Član 1.**

#### **(Predmet)**

(1) Ovom Odlukom formira se Projektni odbor za realizaciju Projekta upravljanja zračnim prometom u Bosni i Hercegovini (u daljnjem tekstu: Projektni odbor) u sljedećem sastavu:

- a) Generalni direktor Direkcije za civilno zrakoplovstvo Bosne i Hercegovine (u daljnjem tekstu: BHDCA), predsjednik;
- b) Projekt menadžer Jedinice za implementaciju projekta upravljanja zračnim prometom u Bosni i Hercegovini, član;
- c) Projekt menadžer Jedinice za podršku realizacije projekta upravljanja zračnim prometom u. Bosni i Hercegovini, član;
- d) Predstavnik Ministarstva odbrane Bosne i Hercegovine, član;
- e) Predstavnik Ministarstva finansija i trezora Bosne i Hercegovine, član;
- f) Predstavnik Federalnog ministarstva prometa i komunikacija, član;
- g) Predstavnik Ministarstva saobraćaja i veza Republike Srpske, član;
- h) Predstavnik BHDCA, sekretar.

(2) U radu Projektnog odbora, kao pridruženi član, sudjeluje predstavnik Evropske organizacije za sigurnost zračne plovidbe - EUROCONTROL, koji ima savjetodavnu funkciju bez prava odlučivanja i drugih prava i obaveza članova Projektnog odbora.

(3) Članove Projektnog odbora iz tačke b) i c) stava (1) ovog člana i sekretara Projektnog odbora iz tačke h) stava (1) ovog člana imenuje generalni direktor BHDCA.

(4) Članove Projektnog odbora iz tačke d), e), f) i g) stava (1) ovog člana imenuju rukovodioci institucija iz kojih dolaze.

## Član 2.

### (Prava, obaveze i odgovornosti Projektnog odbora)

- (1) Projektni odbor ima pravo, obavezu i odgovornost da:
  - a) Identifikuje i odobrava projekte koji će se realizovati u okviru Projekta upravljanja zračnim prometom u Bosni i Hercegovini (u daljnjem tekstu: BHATM projekt);
  - b) Daje smjernice, uputstva, instrukcije i naloge Jedinici za implementaciju BHATM projekta - *Project Implementation Unit Bosnia and Herzegovina Air Traffic Management* (u daljnjem tekstu: PIU BHATM) i Jedinici za podršku realizacije BHATM projekta - *Project Support Unit Bosnia and Herzegovina Air Traffic Management* (u daljnjem tekstu: PSU BHATM);
  - c) Razmatra i odobrava izvještaje o radu PIU BHATM, izvještaje o radu PSU BHATM, finansijske analize i izvještaje o realizaciji BHATM projekta.
- (2) Projektni odbor tromjesečno izvještava ministra Ministarstva komunikacija i prometa Bosne i Hercegovine o svom radu i fazama realizacije BHATM projekta.
- (3) Ministar Ministarstva komunikacija i prometa Bosne i Hercegovine polugodišnje izvještava Vijeće ministara Bosne i Hercegovine o realizaciji BHATM projekta.

## Član 3.

### (Način i prestanak rada Projektnog odbora)

- (1) Radom Projektnog odbora rukovodi predsjednik Projektnog odbora.
- (2) Projektni odbor će Poslovníkom o radu detaljnije regulisati način rada.
- (3) Projektni odbor će prestati sa radom danom zatvaranja BHATM projekta ili donošenjem odluke nadležne institucije o prekidu ili obustavljanju aktivnosti na realizaciji BHATM projekta.

## Član 4.

### (Ostala radna tijela)

- (1) Generalni direktor BHDCA će, u cilju realizacije BHATM projekta, formirati sljedeća radna tijela i imenovati članove istih:
  - a) PIU BHATM koji u svom sastavu ima sljedeće projektne timove:
    - 1) Projektni tim za izgradnju ATM sistema (PT ATMS);
    - 2) Projektni tim za građevinske radove (PT CW);
    - 3) Projektni tim za školovanje i obuku kadrova službi kontrole letenja (PT HR);

- 4) Projektni tim za razdvajanje regulatorne i operativne funkcije kontrole letenja (PT SEP);
  - 5) Projektni tim za organizaciju i sektorizaciju zračnog prostora (PT ATM/OPS);
  - 6) Projektni tim za meteorologiju (PT MET).
- b) PSU BHATM koja u svom sastavu ima sljedeće projektne timove:
- 1) Projektni tim za provođenje tendera (PT T);
  - 2) Projektni tim za logističku podršku (PT LS);
  - 3) Projektni tim za usklađivanje regulative sa regulativom EC (JAA/EASA, ECAA).
- c) Ostale projektne timove, radne grupe i tenderske komisije.
- (2) Prava i dužnosti radnih tijela iz stava (1) ovog člana definisat će se aktima o njihovom formiranju.
- (3) Radna tijela iz stava (1) ovog člana će prestati sa radom izvršenjem dodijeljenih zadataka ili danom zatvaranja BHATM projekta ili donošenjem odluke nadležne institucije o prekidu ili obustavljanju aktivnosti na realizaciji BHATM projekta.

#### Član 5.

#### (Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH", a primjenjuje se od 1. januara 2008. godine.

VM 121/08  
24. aprila 2008. godine  
Sarajevo

Predsjedavajući  
Vijeća ministara BiH  
dr. **Nikola Špirić**, s. r.